

U sole brusgia à l'orizzonte À dolci raghji scalda e fronte
In a campia u ventu voca È d'ogni silenziu si ghjoca
Quassù à nant'à e culline U core pienu quasi à schiattà
L'omi sò pronti à ghjungere à fine Da difende a so libertà

Ripigliu-----

**Incù a forza immensa d'una mossa cumuna
Per mughjà à l'inglese ch'è 'ssa tarra ùn s'affuna
È ch'è regnanu quì u sole cù a luna
È ch'è regnanu quì u sole cù a luna**

U sole luce à u celente Pianu, pianu infrebba e mente
In a campia u ventu voca È ogni silenziu s'alloga
È a battaglia si scatena Si tomba per ùn esse tombu
U farru contru à u farru mena Sin'à cunfonde voce è ribombu

Ripigliu-----

U sole more à l'orizzonte Si piatta daretu à u monte
U ventu alliscia a campia A nebbia s'hè fatta pisia
Solu per rompe u silenziu È dà fiatu à a mio musa
Cum'è un ultimu licenziu Si lagna una caramusa
Dumane u sole à l'orizzonte Brusgiarà da scaldà e fronte
In a campia assirinata Ci vucarà ogni vintata
Diceranu voce è ribombu Adduniti à l'eternità
Perchè tumbà o esse tombu Da difende a so libertà

Ripigliu-----